

հազար, հոգի, չորս հազանդներ կարողացել են միաբանուել բոլոր պարսկաստանի դէմ:

Ահա ինչ յիշատակութիւններ է արթնացնում Աւարայրի դաշտը:

Նորա վերայ եղած ճակատամարտը հաստատում է, որ հայերը ոչինչ միութեան կապ չեն ունեցել և ոչ կրօնն է կարողացել կապել այդ ընկերավարական սիրուց զրկված ցեղերով բաժանութեաներին:

Ես յոյսս կտրել էի ժողովրդական աւանդութիւններից օգուտ քաղել. բայց հակառակ իմ յուսահատութեանը ևս զարմանքով գտայ հայոց պատմական աւանդութիւնները թաթարների մէջ մնացած: Աւաջուղի Քիլիսաքեանդի բնակիչները իւրեանց գիւղի եկեղեցւոյ հնութեան թուականը հասուցանում էին 1500 տարուան, որի արևելեան և արևմտեան կամարները դեռ կանգուն մնում են: Ինձ ցոյց տուին Խարարայ խաչի, Սաղէլի, Խաչուրի աւերակ եկեղեցիները և ընդարձակ գերեզմանատները:

Պէտք է յիշել որ Մազուայ, Աւաջուղի, Գարայնի բոլոր թաթարաբնակ զիւղերումը եկեղեցիներ կան, բոլորն էլ աւերված: Լեռներում, դետերի ամերին կառուցած են վանքեր մատուռներ: Իսկ խաչարձաններ, խաչեր այնքան բազմաթիւ են, որոնք թէև թաթարները անհետացնելու մտօք խորտակում, փշրում են, բայց մինչև յաւիտեան էլ եթէ շարունակէին, հայոց քրիստոնէական կնիքը